

Inzko pozdravlja imenovanje Petera Sorensena kao specijalnog predstavnika EU u BiH



Visoki predstavnik i specijalni predstavnik EU Valentin Inzko toplo je pozdravio odluku Vijeća EU za vanjske poslove da imenuje Petera Sorensena kao specijalnog predstavnika EU u Bosni i Hercegovini od 1. septembra 2011. godine.

“Pozdravljam mogućnost jednog predstavnika EU, a radićemo zajedno sa istim ciljem – da BiH postane stabilna zemlja, na jasnom putu ka članstvu u EU”, rekao je danas Valentin Inzko. “Ojačana struktura EU u Bosni i Hercegovini dovešće do fokusiranijeg angažmana na napretku BiH prema integracijama u EU.”

Valentin Inzko predaće mandat specijalnog predstavnika Evropske unije 31. avgusta, a težište njegovog rada ostaće na provedbi Daytonskog mirovnog sporazuma. Valentin Inzko ostaje visoki predstavnik međunarodne zajednice za Bosnu i Hercegovinu sa nepromijenjenim mandatom.